



Estimadas/os nais/pais:

O día 20 de maio saíu publicado no Portal Educativo da Xunta unha [nova](#) relacionada co regreso ás aulas de 2º de Bacharelato; nela referíase tamén ás negociacións que a Consellería estaba a levar a cabo cos grupos sindicais. Nesa mesma xornada tivo lugar un encontro da Conselleira cos representantes dos directores dos centros educativos galegos, na que tamén se abordou este tema. Ante a ausencia de instrucións publicadas e recorrendo aos borradores que circulan por internet das diferentes xuntanzas mantidas, o regreso do alumnado do IES Pino Manso ás aulas terá presente as seguintes condicións:

1. O regreso do alumnado ás aulas terá un carácter **voluntario**. Para evitar agravios comparativos, o Administración galega **prohibiu** de xeito claro e rotundo a realización de **exames presenciais** ao alumnado asistente á clase.
2. O alumnado de 2º de Bacharelato deberá poñerse en contacto co centro, a través do correo electrónico ies.pinomanso@edu.xunta.gal e confirmar a súa asistencia á clase, **comprometéndose a respectar as directrices** marcadas neste documento.
3. As clases presenciais serán orientadas para resolver dúbidas das materias ABAU.
4. O **profesorado** que imparte clase habitualmente en **2º de Bacharelato** pode non ser o que se ocupe do seu alumnado que, voluntariamente, asista a recibir clase no centro, xa que a Consellería habilitou tres tipos de diferentes de **dispensas** ao que se poden acoller; mais continuará atendendo ao alumnado telematicamente.
5. As **clases poderán ser gravadas e retransmitidas** ao alumnado que se atope na casa. O IES Pino Manso velará para que non sexa posible a identificación do alumnado presente na aula. No caso de que algún alumno/a que asiste á retransmisión das imaxes as garde e difunda, será considerado unha falta grave e, polo tanto, decidirase a apertura dun expediente disciplinario.
6. O **alumnado** de 2º de Bacharelato **non poderá asistir ás clases presenciais** nos seguintes supostos:
 - a) Se presentan **síntomas** compatibles con **COVID-19**.
 - b) Se se atopan en período de **corentena**.
 - c) O alumnado que presente **doenzas** que o fagan **vulnerable ante o COVID-19** (diabetes, enfermedades pulmonares crónicas, inmunodepresión...) se a súa condición clínica non está controlada.
7. As **familias** comprometeranse a vixiar o estado de saúde dos seus fillos/a e **tomaranlle**, diariamente, a **temperatura** antes de saír da casa.
8. **Non hai transporte escolar**. A Consellería vén de denegar o servizo para este período.

INDICACIÓNS PARA EL ALUMNADO QUE ASISTA AL CENTRO

Unha vez no centro, o **alumnado comprometerase** a:

1. **Asistir a todas as clases** marcadas nesa xornada, non podendo abandonar o centro ata que o período lectivo remate.
2. **Hixiniezar as mans na entrada**, xusto ao acceder ao centro.
3. Manter en todo momento a **distancia de seguridade de 2 metros**, tanto na entrada, coma na saída, así como os **períodos de descanso** (non haberá recreos. Por orde da Consellería, a cafetería deberá permanecer pechada).
4. **Usar a máscara** cando se atope nos **corredores**, nos períodos de **descanso** e tamén na **entrada e saída** do centro.



XUNTA DE GALICIA

CONSELLERÍA DE EDUCACIÓN, UNIVERSIDADE
E FORMACIÓN PROFESIONAL

IES Pino Manso

Rúa Antonio Palacios, 76- 36400 O Porriño
Teléfono: 886 110392
Correo electrónico: ies.pinomanso@edu.xunta.es
<http://www.edu.xunta.es/centros/iespinomanso/>




galicia

5. Traer o **material** necesario, xa que está **prohibido compartirlo**.
6. Respectar que sexa unicamente o **profesorado** quen **abra a porta, ventás, e utilice os dispositivos electrónicos** da aula.
7. Ao **incorporarse á aula**, o alumnado deberá **desinfectar o pupitre e a cadeira** co líquido habilitado para tal fin.
8. O alumnado **permanecerá no seu sitio** durante os cambios de profesor. Permitiráselle erguerse para realizar pequenos estiramentos ou exercicios posturais que non impliquen moverse do seu lugar, sempre e cando a sesión lectiva supere unha hora.
9. O alumnado comprometerase a esperar fóra dos **aseos** cando estes se atopen ocupados. Así mesmo, deberá **hixienizar as mans** á saída do mesmo.
10. Se tivesen que recibir clase nunha **aula ocupada** por outros compañeiros, deberán **agardar a que estes saian**, mantendo a **distancia de seguridade** de dous metros. Cando se **incorporen á aula, faran de xeito ordenado**.
11. O alumnado **respectará o sentido circulatorio indicado nos corredores** e abandonará o centro pola **porta de saída que lle corresponda**.
12. As **entradas e saídas** realizaranse **de xeito ordenado e continuo, en ringleira**, mantendo sempre a distancia de seguridade de dous metros.
13. O alumnado **non poderá permanecer dentro das instalacións do instituto formando grupos cos seus compañeiros**.

O incumprimento de calquera destas directrices implicará unha sanción e a perda do dereito á asistencia ás clases presenciais por un período de ata tres días.

Atentamente,



Rosa María Fernández Calvo.
Directora

O Porriño, 22 de maio de 2020